

眼中奇士久矣無淮南有客來燕都長揖公卿論  
當世膽氣頗閱豪且粗或欲向前引手扶矯如蒼  
鷹不可呼生平不作屋足態使氣不傳如灌夫邊  
城八月霜塗塗黃沙茫茫百草枯居庸關頭帶寒  
色軟裘蒙茸裁短狐白馬錦鞵從兩□北游雲中  
真壯圖山川形勝開幕府塞上將軍方獻俘坐間  
援筆頌平□我輩本是書生徒文章疎蕩有奇氣  
司馬子長猶未徂南還講業向齊魯息駕終擬經  
三吳功名到此殊易易鄉里驚看非故吾臨岐先  
寶應縣志

卷之十七

三

賦歸來乎

觀序上人所藏陶成畫菊石歌

李夢陽

陶生畫菊石潦草有筆力此石與此菊今爲序公  
得兩株徙倚石根前古石苔蘚屈連錢復有餘株  
散在地平坡雜草青烟絲回株點綴花翩翩含姿  
弄態不一足背向纖穠皆可目突如大家貴介女  
珠翠雖搖氣莊肅近時名手計汝和此生筆力方  
之過江東徐霖學畫石效顰差勝王與何亦知神



品多冥契下筆巉巖拓高勢石磊磊兮菊漫漫清  
霜古路花斑斑遠意頗類東林山東林昔築蓮花  
臺彭澤攢眉不肯來歸家對菊獨銜杯序公叢林  
號白足不重蓮花番重菊終然畫餅不克腹何如  
種向西山麓秋林寒芳采服食煮石煉藥亦爲得  
愛鷹愛馬古有之不獨序公何太息

送仲與立赴陝西

李夢陽

驄馬白玉鞍長鳴下雲端今朝發汴水何日到長  
安孝王臺前雪如山垂楊掃地春風還使君不帶  
寶應縣志

卷之十七

四

冰霜色却帶春風入漢關相思明月樓西望古秦  
州河南咫尺不可見何況千山萬水頭西望秦川  
是我鄉隴樹秦雲空斷腸褰帷仗鉞經行地欲寄  
鴻魚到慶陽

題鄭本畫菊竹卷

徐渭

射陽湖水浮天濶湖裏明珠奪明月珠忽不來不  
可村弘治年間生鄭本鄭本前身必鄭虔台州司  
戶海霞邊湖精海怪雙毫底兩墨雲霞一樣鮮吾  
家叔父秩郎中初試栽花寶應紅頻歲吳綾滿素



獨有此卷吹香風當時被召見天子鄭也黃華  
離霜洗孤高一朶想其人故舊百年猶未死玉一  
籤錦三尺此物今歸大兄宅大兄大兒石中璧此  
物收藏是其責傳子傳孫傳復傳茱萸作匣護梅  
天紅椒香糝白笈黏縫脫只尋施本端

再題鄭本白兔

徐渭

噫吁嘻蝦蟇無翼能載羿妻宋鵲之捷寧不能飛  
人言日廣千里月亦如之七爲樓臺二爲坻吳罡  
斫桂不得睡帝命牽犬一而獵之婁余之宿徒有光  
寶應縣志

卷之十七

五

地

寶應湖玩月

陸澐

我生愛月仍愛奇着意臥到西湖西不然具區三  
萬六千頃坐此一色銀玻璃今宵寶應湖南路桂  
魄皎潔風淒淒水光四射以上下合水柱千尺雲天  
低樓舡不沒南北斷危樓密鎖烏鳶棲我携二客  
恣清賞試選高岸爭攀臨寒光滿射白玉鏡斗柄



嶺南青雲梯人間天上非還是翻疑海外聞天雞  
瑤華臺殿雲母障水晶宮闕黃金泥胡床老子與  
不淺揮手弄雲沿長堤菰蒲何心爛不起鯁鱸有  
浪蟠猶啼南中旱暑不烈老况復風雨猶難齊茲  
行所得差足慰未覺嚴霜欺袍綈人言春月媚秋  
月春月花柳空萋迷爭如冬月有勁氣復此淮南  
水連溪酒懷逸氣俱浩漭霜明雪晴供品題君不  
見漢家中郎持漢節風柴凜凜海上甘牧羝

娛永堂歌

夏言

賚應縣志 卷之十七

六

大江之北淮水東重湖大濶搖空濛山翁家住湖  
水上古堂下壓馮夷宮秋風葭葦兼天碧夏日荷  
花紅一色月出方歸賀老船雲濛不見逋僊宅幾  
曲湖田歲可耕芝橋楊柳年年生細雨沙頭看鷺  
浴曉風林外聽鶯聲四時樂事歡無極七月翁年  
當八十杭稻新炊玉粒香鱸魚細切冰絲直蘭芽  
桂子秋森森騰芳吐秀爭食氣膝前彩服耀白日  
座上青歌響綠雲金尊酒泛春千斛論事何須空  
出咄龍顏不識君王而鶴髮自有神僊骨昔年走



衣冠山嶺家... 剪燭促華筵小  
別來踪跡限江海高誼長懸寸心  
出郭遊嘗時我負登堂拜邇來京國  
為歌娛永堂青莎白石忽在眼江雲  
相望却慚落魄長安客奔走風塵空歎息  
實負草堂遺桂枝每切淮南憶湖上堂開秋  
吹野水薦繁英故人遙向天邊祝翁壽直  
也并

以上以後湖憲使所寄棋榔分贈十岳王子

志 卷之十七

七

而作歌

朱曰藩

天... 空人心我行昔到棋榔林昆池一鏡湛  
... 金碧何沈沈雲津橋畔行人走邂逅相  
... 一... 坐上寧須班竹盤袖中各帶烏銀卸臉  
... 少年姿我亦隨時咀嚼之深谿回谷不可  
... 明月長相思張騫按節金潯北驛使南來  
... 初捧喜欲癡緘題細注勞相憶旋尋  
... 特為諸國極南朝文士王僧孺  
... 隨利 國名出棋榔特精 萬里提携感



事賦新編彥昇夜燭應須續  
任助贈王僧孺詩云  
嘉爾晨登惜余夜燭  
遠思長吟也可憐

夜有懷傅支子率爾贈歌 朱曰藩

寒梅漸有花男兒身世不落莫傅支子人中英  
今胡爲臥空城明經六上欲罷舉讀書萬卷翻

志縣志 卷之十七

一 世人結交樂軟媚三春桃李方爭榮冰心玉  
二 誰賞汝明堂清廟徒崢嶸只今君持後母服鰥  
三 寒宵苦孤宿孺人日辦度閣羞女孫晚進山樽  
四 邑子三五來授書偷閒時坐湖南屋經月不飲  
五 過我一舉大白歸去速猶言酒溼太傷脾三日  
六 榮衛復窮冬契闊奈君何天畔哀鴻斷還續  
七 支子歌慷慨莫採山中藥休拘肘後方上聖貴  
八 卑人易局章徐卿的是有二千元惡問宦陶

一 山莊其 齋園坐忘



或知不惑煩君爲我指亡羊

湖上送別華玉作長短句歌 朱應登

爾從京華來問我滄洲路暫作淮南留相攀桂花  
樹桂樹團團蔭楚宮秋來樹樹起香風歸驂向月  
停金絡寶劍當門解玉虹主人聞客來終日笑顏  
開盤中首宿琅玕頰甕裏瓊漿琥珀醅五湖雲水  
淨無埃還似山陰雪下同放浪每爲河朔飲風流  
重接建安才一夕復一夕開軒偶瑤席不知逸興  
安從生坐使窮愁向君失我生寡聞道四十已歸  
賈應縣志 卷之十七 九

而豈爲折腰思絕粒翻令傷翮惡驚弦黃河之清  
那可俟世人視我尋常耳釣竿不挂吞舟魚疇昔  
論交知誰是感君山嶽心眷我無轉移送君江海  
空恨不長追隨他時若有天台典儻寄興公一賦  
之

溇陽太守歌

吳敏道

諸君且停金叵羅聽我溇陽太守歌守也廣大教  
化主赫赫聲名滿寰宇憶昔余聞通籍初峴山影  
裏度仙鳧紅燈夜酌烏程酒畫舫春游碧浪湖



年以長干道三署才華照江表朝對鍾山雲氣  
浮暮看畫省香烟裊只今去作潯陽游朱轡黃綬  
隨風流柳邊先訪陶潛宅月下還登庾亮樓樓前  
指點廬山翠殘碑半剝周仙字錦亭上接香爐峯  
石澗斜通竹林寺與君已約秋天涼書來邀我之  
潯陽遠携李白驚人句同看屏風九疊張我歌初  
歇君顏醅坐客聞之和者多蘆花楓葉江頭路更  
有兒童竹馬歌

三湖曲

吳敏道

寶應縣志

卷之十七

十

母在三湖北兒在三湖南不向高堂供菽水烹牛  
魚芹食豈甘兒在三湖南母在三湖北經旬阻絕  
青鳥書鳳管龍簫聽不得揚州四月暑氣鮮水晶  
簾外日如年賣殘蛤蜊鮓魚市過盡櫻桃竹笋天  
三夜夢中三見母勸兒加餐把兒手覺來猶隔太  
行雪何日能辭豫章守雙淚盈盈江水流明朝暫  
買天際舟歸時莫打三湖行三湖風波母心愁

湖上采蓮曲

吳敏道

朝采蓮暮采蓮木蘭爲楫沙棠船翡翠朱簾挂雨



邊青城皓齒嬌且妍吹洞簫擊盤鼓歌聲未歇雙  
起舞霧縉冰縠風前舉游龍驚鴻何翩翥南湖去  
北湖回三十六湖明鏡開湖水流入杯中來人生  
不樂何爲哉君不見玉繩漸低西月頽

湖上漁父歌

吳敏道

坐客且莫譁聽我漁父歌漁父飄蕭兩鬢皤江風  
滿笠雨滿蓑有兒生成能拍浪有女長就解凌波  
幾人同住一扁舟泛宅浮家秋復秋吹簫曉過蘅  
葉渚鳴榔暮指菊花洲長安甲第連長樂戚里侯  
門麗金籬累榭層臺高刺天後園又起沉香閣一  
旦浮雲世事休落槐空宅暝鴉愁何如漁父扁舟  
好長向溪邊伴白鷗

寶應嘆

吳敏道

淮安城外兩條汊南河北河相盪射寶應近接淮  
安城淮水南奔疾如馬西望地形高入雲千山萬  
山水齊下我東其畝皆腴田江濤淼淼溟渤連農  
夫腰鎌行刈稻晨起極目心茫然豈惟禾黍委浩  
渺老樹亦已沒其巔狂飈掀舞浪十丈急呼艇子



據三漿牛羊坡作蛟龍窟榆柳村爲綠草蕩雲愁  
日慘無人烟鼉掣鯨翻動哀響城門未開水關閉  
三更城中驚水至宛如兵破蔡州城半夜譟聲震  
天地又如水灌智伯軍狼藉浮屍任漂棄鄰鷄野  
哭候天明親朋相見如更生堂中白髮襁中兒左  
提右挈波中行屋墮垣傾四望盡江號海嘯何時  
平永夷傲睨陽侯立萬弩迎潮射不得城中搖裔  
蒼隼舟城外橫行綠林賊凶年桂玉煎人腸十箇  
人家九無食野老相傳自古無傷哉寶應真何辜  
者存詔書早晚寬民租

寶應縣志

卷之十七

十一

崔來詩爲喬侍御賦

施閏章

柱史先生高枕處射陽湖畔滄洲趣前代曾傳抗  
疏名知幾蚤就歸田賦手校連床多異書坐看滿  
眼森奇樹海風簸蕩垂車輪一鶴翩翩來不去先  
生自是鸞鶴姿廿年萬事付漁磯嗒然倚杖天機  
靜還有亭前鷗鷺飛

柘溪草堂歌

爲喬聖任  
先生賦

梁以樟



柘溪之東草堂東烟高海濶青濛濛雲關岫崐月  
崖重中有姑射仙人宮元裳玉鳥拜崆峒帝遺一  
老軒黃農苞育造化元氣封該緯群動元心融  
光蘊韜含真風兼總巢尚天人通峻納廣周百聖  
衷潛虛昭曠德符充意絕雲氣負蒼穹幡然歸來  
柘溪東洪波萬頃盪心胸柘田十畝桑陰濃竹幃  
蘿旆苔雲蒙日高五柳酣秫春絃琴綴卷樂未終  
籃輿藜杖扶奚童歲時社酒隨村翁野人忘却唐  
司空貞不絕俗道大公履幽坦步何從容燕山野

寶應縣志

卷之十七

三

鶴翔飛蓬不飲不啄石泉中三年雨雪荒山筇有  
時訪道探元工大叩小叩懸鐘鏞抱襦結縈微契  
同瓣香似爲會南豐菽溪柘浦孤音蛩苔岑未異  
佩褱逢蘼蕪羅生桂樹叢臯蘭被徑遺人踪精神  
上下隨雲龍秋烟灑渺秋山紅山中甲子譜華嵩  
消息元會道在躬銘盤箴牖靡篤恭我將泐酌何  
所供洋洋白水貞青松古交如此羞繁穠載歌曰  
柘溪之東東海東海波瀕洞三高峯成連絃絕淨  
水洶四海魚龍笑耳聾車舟欲往靡適從霜天



次吹江楓廻瀟萬古思無窮

題柘谿草堂圖歌

汪懋麟

白馬湖東潼河西中有邨原名柘谿四圍已種萬  
株樹三時常散千張犁隴畝粲列儼圖畫屋宇相  
接聞犬鷄回波小港百千曲漁父盪船時欲迷行  
人盡日到村舍淡柳一帶鳴黃鸝此鄉居人只一  
姓我公世德開蓬藜致身柏臺挺高節清名直與  
文姚齊是時魏闔織黨禍清流一一遭排擠拂袖  
歸來託終養十年不出安伏栖思陵之代始一出  
寶應縣志

卷之十七

古

倏忽陵谷驚鼓鼙文謝之儔那可道紛紛長樂驕  
其妻我公甘心老農圃白頭萬卷吟常低草堂閒  
閉禾稼熟池喧鵝鴨兼鳧鷺讀書講道適天性食  
肉不廢鹽與虀此圖已如仲長統展玩令我中心  
悽負米曾無半畝地買山邨得多錢携待我他年  
賣書籍結屋東隣來灌畦

竹谿草堂歌

錢謙益

君不見唐家中葉壽命昌帝降人寶鎮楚方光氣  
鬱郁天市牆昭回天漢連維揚仙李盤根告厥祥



子庚散翼垂寒芒三壬羅腹貯三倉天心月脇穿  
肺腸九琮五玉森珪璋佇候上帝開總章海青高  
飛翎雀翔觚稜塵碎金雀傷羅喉噉日陽鳥怵炎  
風朔雪成灰場白虹濼天朔吹狂薄游擊筑燕市  
旁卷衣秦女辭宮粧歌殘漏月音斷愴龍胡上天  
不我將呼風鳥啼金粟岡龍蟠空曲熊羆藏玉泉  
朱魚鱗鬣揚腐儒瘦馬淚漬裳回瞻佳氣行傍徨  
歸來散髮箕山陽射陽湖畔築草堂箕山墮蜀周  
如防挂瓢飲犢猶相望風吹樹瓢響滄琅披襟抱

寶應縣志

卷之十七

五

滕思虞唐名園篆竹如南塘綠雲百畝欺篔簹高  
梧澗柳蠹隊行前迎後起朝竹王白毛布地血雨  
創此中白日思上皇蕭晨清夜開竹房晉賢唐逸  
來命觴碧蘚綠影壓書牀紅燈一滴蘭膏光涼風  
蕭閒吹縹緗明玕屋角鳴笙簧清商一部迴簷廊  
玉魚劍佩交鏗鏘主人雜誦何琅琅金舂玉應參  
宮商梢雲交響雙鳳凰和以發明并幽昌搖風獵  
獵萬籟張長竿擊戛紛旗槍王良策馬騎龍驤雲  
旂羽燾影頡頏瓦振帛裂天低昂奔濤跋浪撼屋



東退飛六鷁叫鵝鶴迅掃塵壒迴滄浪少焉明月  
生東廂得風而笑竹亦忘斫青削玉開珠囊丹青  
翰簡手勘量大書甲子依柴桑載記黑白標朱黃  
千年筠竹新粉香抽空擲筆凌秋霜端門寶書今  
不亡春秋素臣竹素長老夫髦矣吾子強

送朱秋厓歸安宜兼訊陳水壑

王士禛

北平太守老不封身經百戰關強弓平陵岸頭爾  
何物李蔡爲人居下中昔者應侯未入秦折脇摺

寶應縣志

卷之十七

七

齒難爲容一朝西行取相印故人馬食何匆匆丈  
夫不遇且蓬累古來雄俊將無同愛汝朱干草堂  
好甓社湖北連吳淞釣船春入鰕菜市柴門晝掩  
菰蒲藜據梧時復同惠子上冢聊爾隨龐公當年  
我作淮南客落帆屢及桃花紅兒童習見鵝鴨熟  
濁醪爲我來墻東此邦佳士復有幾稍從湖海知  
元龍唱于唱喁樂復樂大湖漠漠來天風自別淮  
南老鞍馬筆墨蕭颯如秋蓬眼明乍喜故交至劇  
談徃徃連晨鐘聞君此行意倘恍五湖春水磨



銅夢隨白鷗沒浩蕩覺來目送南飛鴻歸逢陳師  
相問訊余方袴褶騎黃驄

送陶季之潞州

王士禎

先生昔日登武夷鐵船峰頭看奕棋中剗離支三  
百顆酒酣自擘輕紅肌峰頭爛睡忘甲子坐笑曾  
孫生白髭張帆伐鼓下黃鶴欲濫三湘窮九疑披  
襟蘭臺發高唱快哉不辨風雄雌平生名岳屐齒  
遍風塵京雒嗟衣緇投我奇文浩千頃蛟龍大澤  
纏躩踞謂我四海一知己譬若莊休從惠施高齋

寶應縣志

卷之十七

七

茗飲坐清晝風爐活火分槍旗我時無事似犀首  
酒鱗浮動銀留犁豐臺紅藥花照眼驪駒忽告將  
西馳壯心猶作驥伏櫪適志無如龜曳泥我聞上  
黨天下脊當年潛邸傳臨淄飛龍荒宮沒烟莽斷  
碣髣髴開元詞紛紛梁晉夾河戰鷓兒萬騎陳軍  
麾錦囊負矢盛意氣歌聲慷慨留三垂時平不用  
弓箭手空老昭義千熊羆戰場下馬問亭驛鬼燐  
颯颯寒飈吹君家草堂臨射陂門前五柳藏東籬  
何時單舸徑歸去北牕高枕談黃羲



贈朱秋崖

陶澂

里中才名誰最優昔年作者朱江州斯人云亡若  
虎逝後來寂寞無此流伊余曾行九州內閱盡名  
場總常態尤憐灾木傳人間促節淒音自顛顛黃  
州顧子才無雙側出橫行皆激昂十年離別渺難  
見蒹葭一水空蒼蒼多才如君此時少家學猶傳  
枕中寶百年斷續係君身少壯須臾易衰老與君  
相勉莫相譽大匠從心各造車試看揚雄五千字  
後人遙見定何如

寶應縣志

卷之十七

六

送喬舍人萊還寶應

朱彝尊

今秋甲子雨不絕小池殘暑風淒淒棧車難行瘦  
馬滑終朝兀坐愁雲低有客上書臨欲去折柬招  
我斜街西房山香醪貯一石浮以斛角暹羅犀定  
州磁罌白如雪津門紫蟹團霜臍坐中曹

舍人汪禾

舍人

意氣古杜詩韓筆名相躋草堂圖畫凡幾幅

酒酣並起爭留題龍竿寺傍射陂曲中分一水名

柘溪君家嚴君

侍御可聘

此游息翠烟繚繞舍晴霓王

官谷淡城府隔武陵花發時人迷只今八十尚健



飯遇橋不用扶青藜郵籤此去秋未晚籬邊圓菊  
黃花齋連江峭帆檻外落一雙老鶴階前栖衡門  
敢後綵衣入定使眼膜開金鏡桓山四鳥雖折翼  
時舍人循陔庶免心酸嘶兼珍之膳娛永日靜觀  
有兄喪節物移晷萋嗟余旅食尙淹滯懷鄉未得瞻秦稽  
送君沉吟數長路寸心千里隨輪蹄維揚粳稻美  
自昔邇來厥土仍塗泥灣頭清水聞更決上流未  
築歸仁隄千村廬舍總昏墊可知雁戶猶悲啼漕  
船萬斛輓不上荒岡斷岸何繇梯太倉紅粟漸已  
寶應縣志

卷之十七

九

貴曷歸長水親鉏犁期君歲暮白田上班草城南  
手重携

題喬石林桃花流水圖

張英

春煙春雨朝霏微蒼翠綽約山四圍溪清鷺白桃  
花飛新漲昨夜侵魚磯中有仙人忘塵機扁舟散  
髮迎朝暉白苧新裁短後衣吟詩最愛陶與韋枕  
書抱膝思依依遠船流水花芳菲銀鱗縮項甘且  
肥此樂不遙知者希主人方直彤雲闈白玉爲堂  
花紫薇史筆在手不停揮匡時有願且莫違湖邊



爲我掩雙扉漁竿嫋嫋他時歸

前題

施閏章

無數青山天際起白雲橫曳山松裏花滿東風雲  
欲飛扁舟誰坐看春水君之先公真御史舍人墮  
地成才子文賦揮毫若湧泉眼底如君復有幾燕  
山雪霽柳條新射陽湖漲桃花春不知天上含香  
客何似花間倚棹人

前題

陳維崧

誰翻十斛胭脂水直潑半幅冰綃中斑斑碎點蜀

寶應縣志

卷之十七

三

錦纈灼灼亂卷江霞烘初疑玉奴霑卯酒臉潮倒  
暈瓊酥融復訝誰舞鏡如意一夜迸裂珊瑚宮描  
摹想像總難肖良久纔辨花光紅一邨兩邨低著  
水千枝萬枝高映空不知搖櫓者誰子連船盡沒  
細花叢兩頭酒枕雜吟卷隔港漁蠻招釣僮疎疎  
麋眼織作篷四圍冰雪相玲瓏小桃一笑太無賴  
幾瓣暗逗篷窗中此時靴紋浪未起一奩晴鏡磨  
青銅家家開門放鵝鴨村女茜裘兒竹弓人無些  
窳俗醇悶地不瀉鹵時和豐世間那易邁此境貳



之真與仙源通橋堦豈有鯪魚  
葱飲酣儻要別村法逐越船尾桃花風

前題

平良年

綠如鴨頭水迴環青如佛髻堆羣山春光正  
狡獪桃花一笑非人寰南陽子驥不得到誰  
破蒼苔斑眼中突兀見圖畫橫排一舸當其  
中之人吾所識是方東帶趨朝班置身丘壑  
宜何意微服耽躋攀生客定遭鷄犬怪問津  
仙靈慳 詔書敦迫下幕府卻携此畫來燕

寶應縣志

卷之十七

五

風捲塵作紅霧濛濛不比桃花般臥游如君  
計日挂素壁娛蕭閒賤子本是山中人種花  
清溪灣短裘羸馬苦躑躅坐使三徑高榛菅  
讀書萬卷破合出所抱匡時艱卷軸須藏  
拂衣方許臨潺湲有客聞之曰良是便當  
可刪凍蠅小字附不朽閣筆起放翁翎鵬

和石林餽歲詩

陳

百尺孤松竹千箇翠壓茅齋白高臥偃仰  
云除蕭騷只覺寒風大郵筒忽得故人詩



清明珠紅醜歲歷數念

瓮驚看鴻翠濤頃筐還恐金丸

狂攜壺來傍烏皮坐酌酒難將燒

陽春和來朝睡足日酣紅衙門那有

花朝前二日同諸子汎舟湖上

界

茸茸春草翠如刷春湖菱綠琉璃滑滿路

避人撲面飛花密誰撒盪槳閒來湖上頭

水輕彝攜高睨不知天浩蕩舒襟但覺風和

寶應縣志

卷之十七

五

歲早春雨不歇馬踏春郊泥汨汨似此晴照

無今宵定有好明月洗盞歡呼醉落暉鳩

遶船飛來朝莫惜攜壺至放船還欲買魚歸

來近漁家泊漁父蓬頭赤雙脚耳目涵虛意

人生偏側難自由莫比蠶絲白纏縛君不見

藥

送喬石林編修使粵西

陳維崧

軟裘伏馬我不愛荆娥越艷我不憐車前八驂

底物世上七貴命在天只餘一事我最癖山水



古人先鞭域中奇秀首西粵九疑六管相鈞連當時補天石破碎一半竟墮濰江邊紺者織織翡翠羽艷者歷歷臙脂錢黝者纍纍醜婦瘦黃者蠹蠹新鵝拳訾家洲淺極窈窕袁家渴古紛嬋娟鮒生兩脚夙有鬼青鞋布襪無因緣譬如腹貯蠶百甕見客說食空流涎同官爽朗得喬子才性燿若晨霞鮮來年校士始安去殘臘先買零陵船此中山神待之久柳宗元去垂千年文豪賦魁不在世賸有好景誰雕鐫地靈人傑一朝合得不有象于星

寶應縣志

卷之十七

三

躔孺人跽捧破虎禱獮婦起劈生彘肩江山雄俊落君手路縱遠遠寧遷延虞舜祠西花滿川簫韶石畔水鳴絃歸時莫買鬱林布到日自有蒼梧篇  
同朱檢討彝尊周處士質查上舍嗣璉湯上舍右曾過喬侍讀萊一峰草堂看花分韻

陸嘉淑

城南浩浩塵十丈那得風日酬清佳昨來零雨乍足喜巷陌差得開埃霾我騎病馬強欲出恰有好友能相偕竹垞駮駮話夙昔簞谷蹴躡隨擠挨



來又有查與陳發興便肯同吾儕好人行處花徑  
山詰細路轉西斜街斜街主人富詞賦詞客况復  
留西厓芸臺編纂日不足不廢好事營茅齋小山  
嶽岑正當戶紫綿兩樹初含蕊清泉口漱自灌溉  
柔條手植親摩揩梨雲藤影覆蘇砌丁香金雀搖  
軒階偶過蛺蝶乍欵欵亦有好鳥來啾啾主人朝  
歸睡未醒爲我坐對貪誹諧官情物態看爛熟肯  
容造化司推排春風正寒怯婉變役役徒爾傷中  
懷而我自笑未歸去無乃身世都違乖燕山此地  
寶應縣志

卷之十七

七

亦僅有脫落竟許忘形骸故鄉西湖應正好遠遊  
歲月空塵埋明年看花定誰共江山回首真天涯  
赤城天台咫尺耳吾欲便著青山鞵

前題

朱彝尊

疾風經旬不出戶獨客懶過三眠蠶今朝風定塵  
埽滅女墻翠湧西山嵐修門池館綴金碧鏤欄未  
許停羸驂主人新拓百弓地中園卉木吾舊諳天  
桃濃杏蝶已落海棠乍坼丁香含初疑徑闢過者  
少早有勝侶齊幽探新松四尺挂席帽灸具一束



簾絲頭毯展午陰直婪尾杯泛冬醪  
今年春較去年晚花信十猶餘二三長紅小白枝尙亞  
雄蜂雌蝶飛相參酒闌回憶壯年事於此晨夕朋  
盍簪燒燧甕頭臥畢卓蠟板曲子歌何抵滿堦明  
月露濯濯繞屋垂柳絲參參十餘年來五易主魚  
牀潦盡成枯潭茅亭崩剝泥暗裂有若燕子留空  
龕仙源重過豈易得惜花老去心逾貪韶光三月  
忽已盡牡丹將吐房山南綠囊紅襖木精域鹿女  
微笑狸奴酣相期雙屐着謝客更借一崔駢盧駝  
寶應縣志

卷之十七

五

諸君借游恐不遂試與二老評花擔

謂周陸二子

前題

周 箕

九十日春不可駐玉河穉柳青漸濃官溝流惡難  
墊足何處得看林壑重人言侍讀新築好紫丁香  
結千枝穠辛齊竹垞吾老友不嫌策騎參支筇杳  
生叩扉湯生起顧我一笑借過從是日天朗惠風  
細晴絲冉冉烟茸茸莎亭擁腫欹四柱花氣遠接  
簷前峰縛樹老藤更天嬌如割左耳奔乖龍縹囊  
欲拆尙未拆已見小尾游黃蜂主人朝回跋草履



指我得觀冰雪容食單藉地任箕踞脫畧禮法便  
燕脯騰觚凍膠膾百末釘盤雜果儲三冬吾家長  
水塘一凹曰鵝繡鴨紛游浴油菜花香蠶豆熟貓  
頭笋迸芹泥鬆爰基山東審山北麴塵波暖浮方  
柳撫琴久已謝宗炳鑿穴今復輸臺佟自從騎驢  
入燕市魴鯉去沼鷗入籠得聞曠論厠座末一洗  
膠固從來胸銀絲切膾韭登俎更留午飯餐冬春  
何當清暑復來集醉看夜合花惺忪

前題

查嗣璉

寶應縣志

卷之十七

三

愛花成癖不待招春來踏徧東西郊起聞啼鳩送  
春去猶跨短轡攜吟鞞一峰草堂地清絕入門詰  
屈藤孥蛟髻頭暗皺高下石亭子剩鬢離披茅土  
墻面面紅窳堵莎徑曲曲青盤坳已從陰借桃李  
杏惜少水養菰蘆菱棠梨素粧太冷澹繁蓋亂折  
丁香苞新開海棠好顏色兩樹氣壓千花稍尹邢  
遙妬雖未免瑟縮終自慚娥媠佳人空谷世儘有  
以獨傾國知誰教先生爲言初買得舊根帶土枯  
包擔頭親爲解其縛位置特許依書巢栽培



意關造物人事未盡休輕嘲對泉手灌今幾載及  
見紅艷青葱交人皆買園身不到公乃僦屋情難  
拋花時往往退朝早剝啄有客門頻敲行携一榻  
隨分設野蔌蒸薺樽窪匏偶然興到得佳句萬手  
明日爭傳抄我詩不工強屬和醉語毋乃同號呶  
抱琴及赴再來約林端初月移弓梢

前題

湯右曾

今年鄉思如中醒決去似脫絲條鷹黃埃厯逐又  
三月高閣久已緘籤勝清明上巳等閒過春事刺

寶應縣志

卷之十七

七

七

眼常青騰主人蘭臺校書客下直風味清如冰每  
嗟朝市困塵土欲遣泉石羅胸膺誰家園亭出墻  
背春色無賴相憑陵尋花無主足可惜買鄰有價  
行當增乍開小戶闢荒穢草色剌剌疑春堦山桃  
幾樹欲堆雪一彎纖月初生稜周遭更思營水木  
顛倒便欲忘寢興今晨叩門聞剝啄入兆正得西  
南朋偶然良會得豈易况逢絕艷闌干凭海棠破  
蕊尙嬌小丁香並蒂紛鬢髻烟中小紅放濺濺屋  
角淡白遮層層闌風搶雨恐零落對此不飲花應



憎盤餐雖少客自樂酒力差薄吾能勝蠻氊密坐  
看面面撲人花氣來如蒸明朝妙語入詩律一束  
寫遍吳中綾風流定合傳好事插花扶醉前賢曾  
更須後約我不及陰陰綠覆交枝藤

題喬石林侍讀侍直圖

毛奇齡

天開闐闔鴟首明宮鴉初噪朝烟生侍臣入直每  
問夜路白便催騎馬行龍旂未辨槍壘色鷄樹但  
覺枝柯清 至尊臨御恍日出左右羅列當星煒  
東華奏啟六曹隴南下立傍雙柱橫終日橐筆但

寶應縣志

卷之十七

三

七

記事有時顧問還呼名偶頒丹詔識機密誰捧黃  
匣如橋衡我友少擅司馬賦當時曾遇甘羅城比  
之鸞鷲戴九羽飛集牖下相顧鸞嘗寄鸞閣掌書  
命儼繫牛紉難升騰一朝 召試得高等遽膺著  
作承明廷對策固知郤詵善賜璽獨言李絳能東  
堂草制白麻淨北向換冊金版精內坊封罌瀉綠  
水便殿賞帶加紅鞞胸襟開來山月剖面藥傳去  
盤露傾每逢進講入藥宿幾度課藝留延英會當  
淮海苦奔溢驟使國邑連大瀛流濫頓失甃社曠



漲勢直與胸山平久歷 宵旰猶已溺下民昏墊  
將誰拯使臣相時各有見庭議殫日殊未成文學  
安得有言責而乃欲共仗馬鳴當前侃侃道是否  
聲徹展負搖斧振譬之波靡萬重瀉忽得天半一  
柱擎 尊顏大喜賜醴酪溫語小加當獎旌從此  
七州百萬戶庶幾重得安圩町退朝遇人咋舌走  
詣闕有士拱手慶向非侍直廁親近安能越陛撼  
虎號春風吹吹苑花發宮門輸入隨班迎良工繪  
圖寫容色觀者有若睹景星予忝同籍其筆札明  
寶應縣志

卷之十七

三

將歸去呵尊羹臨行開卷一展覲感激下拜雙淚  
零丈夫入世貴有用安能縮結同寒蠅不見此中  
侍直者慷慨自致誰敢憎

牽船苦

陶澂

前月馳檄來傳說兵船回上官號令殷如雷輿臺  
驛吏紛相催城中健兒應入選千錢百錢皆得免  
蚩蚩只有田間民帶索驅束似牽犬臺前點唱齊  
應聲分旗列隊城中行羈縻不得令歸去待食可  
憐雙目矐此時茫茫斷消息半月一月那有極指



衣蓬首面黧黑耕穫無人思如織纜聞鼓角臨風  
前城中叫呼聲徹天十人共索聚城下分取百人  
牽一船船中貴官意殊別不事風帆事牽拽沙膠  
水淺船不行到處鞭笞背流血迢迢百里接淮陰  
來日牽船更有人吹角插旗城下住看爾辛勤送  
爾去

河水決 七年六月

陶 澂

黃河無安瀾湍激急奔瀉淮流觸忤不相下一夜  
南湖浪如馬魚梁蟹舍隨飄塵危檣大舸依城闔

寶應縣志

卷之十七

三

城中訛言日愁歎况復積雨秋涔涔嗚呼天心降  
災那能測一線長堤萬夫力年來蟻漏誰周防蘆  
荻叢生野雲黑野雲四垂水決漭城郭遙連水光  
上何期南北更西東幾日決開三百丈馮夷踏浪  
東南趨千村萬落今爲渠可憐老弱盡沉溺壯者  
卽活飢無舖呼號動天白日晴抱女拖男忍離散  
百錢斗米不得換露宿熒熒已腸斷再開羽檄雲  
邊來歲租力役交相催後時不至纒鞭撻自分此  
生同死灰來朝烏啼天未曙里正傳呼築堤去怒



怒荷鍾可奈何落葉蒼茫不知處妻兒牽挽哭向  
天此去定須淪下泉衣單力薄誰與憐展轉不如  
先棄捐傷哉斯言猶未已嗚嗚城頭角聲起高門  
巨室皆踐更况爾一擲鴻毛輕君不見東原白骨  
方縱橫

築堤苦

陶澂

築堤苦五日築成三丈土束薪爲撻土爲輔千人  
畚鍤百人杵半日長飢力幾許努力向前各俯僂  
不爾恐遭上官怒昨宵併築臨河洲紛紛築者當  
實應縣志

卷之十七

三

前頭須臾再決不可收飢魄弱魂沉中流沉中流  
築堤苦新堤不成還責汝我心憂傷淚如雨

射陂古意

王孫晉

淮水之東東海西大江以北湖連隄茫茫巨浸分  
澤國射陂咫尺烟波迷水天浩渺盪昏晝蛟龍出  
沒翻鯨鯢沙頭雨霽鷗鷺浴洲前風急鶯鶉啼射  
水環抱射陽里紫蟹紅菱開水市秋清葭葦綠於  
蒼夏暖荷蕖紅勝綺赤脚捕魚何處郎素手賣藕  
誰家子牛逕日斜樵唱歸鹿場夜靜農歌起陂上



草色青摩天三千六百墩相連雲樹晴光着水樹  
高田雨落流低田山陽鹽瀆此接壤樓船鱈船紛  
來往返照欲歸買客帆沿溪盡掛漁人網禹貢墳  
珠照乘明淮南桂樹逐年生殘夜波搖黃浦月晚  
春林轉白田鶯招隱山中歌古調况復湖水清相  
照東海剩有任公魚淮陰好把王孫釣在昔淮南  
全盛時風光節物繫人思楚地屏藩常借鎮漢王  
賓客復多奇廣陵帝子獨好武空手搏熊兼搏虎  
草田食邑承天恩騏駟寶刀出內府丹轂飛蓋下

寶應縣志

卷之十七

三

竹西秣馬屯軍來水滸高秋射獵湖上屯千旗萬  
騎開轅門長支健兒好身手左挽右發雙禽翻須  
臆毛血灑林麓鷹隼矯捷狐兔奔歸來玉帳坐盤  
礴庖人更進軍中酌割鮮炙膾飲逡巡尊羹鰕菜  
紛交錯玉饌能兼野味無何事荒唐信女巫只知  
跋扈長驕縱誰教神器輕覬覦武帝曾孫人不識  
長安王氣成五色龍顏鳳質自有真昌邑廣陵汝  
何德長安宮闕平且開廣陵明月鎖樓臺射水悠  
悠花落去射陂寂寂鳥飛來禾黍依稀變陵谷丘



山翁鬱叢喬木昨日耕夫得玉魚早時牧豎尋金  
鏃遺蹟荒迷烟景暮居人猶指陳琳墓石麟蘚碣  
古時情野蔓寒榛溪上路漢末諸侯割據雄檄書  
草就愈頭風鄴下聲名才莫及建安詞賦古能工  
阿瞞得志挾天子遂使河朔無袁公曹公愛才能  
用人袁公門第羅衆賓明知當日扶漢室如何先  
自失臧陳臧陳本是死生友紹也實非忠義臣一  
日霜鋒摧二烈千秋青簡標雙節豫讓空歸橋下  
魂包胥忽灑庭前血雍丘烽火幾經秋射陂之水  
寶應縣志

卷之十七

三

至今流江淮故壘留殘夢風雨荒墟耐底愁義士  
同心終不改霸才流落時難待豪華意氣隨塵  
湖水清清復誰在小山叢桂傍湖多廣陵清色奈  
秋何蒲輪未下長安詔湖上聊爲桂樹歌

題劉黃門接翠園圖

潘 耒

雲綿綿樹芊芊何人鑿破鴻濛天萬个琅玕掃空  
翠千株楊柳搖輕烟清池一項羃以蓮花何亭亭  
葉田田風亭卓立鷗岸迥畫橋折入漁梁偏科頭  
蕭灑松下客拍浮容與舡中仙人間何處得此景



無乃鑑湖與輞川白田黃門愛蕭爽故營別墅城  
東邊某水某丘吾故土一花一樹皆天然鷗鳥忘  
機風浪靜此中偃仰堪窮年只恐鋒車催就道未  
容清簟高春眠作圖携之到紫陌欲令屋壁開林  
泉公餘退食時展翫清風兩腋生翩翩人生亦要  
存微尚可舒可捲稱大賢何用輪衝與轂擊底須  
膠縛兼藤纏君爲熱官有冷趣定知風節能完堅  
滄浪亭中人未老異日猶能和君池上篇

畱雲草堂歌寄雲漸

汪懋麟

寶應縣志

卷之十七

書

箕山狷者草堂靜灑埽自汲門前井庭竒砌石手  
洗濯一塵落地三日哽堂中皎潔明鏡似燕坐焚  
香晝何永眼中俗物不許到架上異書獨淡省狷  
者少有嗜茶癖百瓮名泉注清冷雪花水腳辨瑣  
細柘羅銅碾排嚴整輕園竒乳浮縈磁紫金不羨  
頭網餅古篆尤愛李斯手竒石每頰米顛頸食譜  
釀法無不精盤餐每出宜成皿飲酒止可一蕉葉  
勸客時時忘夜丙中年萬事習老嬾但有爲善心  
尚猛揮金與人金不來止餘薄田三二頃草堂一



歐已再徙曲巷版扉遠人境春風石上烹松毛秋  
日湖邊采蓴苻孺人曳瑟花滿階兒子持書髮垂  
領一生不受利名縛賞徧人間好風景世情怪異  
何足悲默看空堂白雲影

畫川觀競渡

劉家珍

射陽湖頭萬斛水一半吹落東城東習家池塘謝  
家墅煙雲竹樹連空濛青簾白舫慣來往每一縱  
棹週遭通鳴鳩時節好天氣翠開紅破花成叢堆  
盤櫻筍飲桑落橋外鼓聲何逢逢兩舟擊水爛熳

寶應縣志

卷之十七

三

出畫漿眩轉如游龍因憶去年五月五金山山下  
飛長虹鳴鉦搥鼓震南北旗幟高射潮頭紅郭公  
墓旁龍窩險劈浪直入馮夷宮從來好景瞥眼過  
此時此樂驚重逢觀者堵墻客盡醉明月挂樹光  
玲瓏

癸亥閏月王方若生日招飲作長歌贈之

湯右曾

王子生時六月閏到此始經三度逢乘除強弱到  
六曆坐覺儀象羅心胸古人推竿法則爾爲子夸



說如奇踪君當名客我當賀一飲三百玻璃鐘西  
風初生梧策策劇暑未退號莎蛩海東月上聲影  
絕秋河一道來搖溶擘衣四顧莫太息且變愁寂  
爲懽悰明年四十君始滿赤手往看騎頭龍不爾  
南山北山裏一鍾便作躬耕農髮髮垂髮百歲母  
二頃亦可謀尸饗况兼兒郎好筆牘阿侯玉雪看  
姿容一生辛苦毋乃癖

蕭大  
園語

那用萬戶爭先封是

時我亦尋舊隱江南的的圍羣峯山兄漁弟足瀟  
灑墨塲酒地相追從短篷儻肯勤過我待掃花逕  
寶應縣志

卷之十七

三

呼諸儂詩成放筆一大笑隣寺忽打煙樓鐘